

天鎮縣志卷之四

知縣張坊補輯

武事

夏書禹貢曰三百里揆文教二百里奮武衛是文與武
可偏廢哉我

朝中外一統萬國率服百年以來有老死不見兵革者可
云幸矣第歷觀前代天鎮雖小邑而地居衝要亦正多
故也志武事

漢元朔元年秋將軍李息出代 四年夏寇三萬騎入代

殺畧數千人 元狩四年驃騎將軍霍去病出代將五

萬騎獲千餘級封狼居胥山乃還 元初五年秋代郡

鮮卑萬餘騎穿塞入寇分攻城邑燒宮寺殺長吏而去

乃發緣邊甲卒黎陽營兵屯上谷以備之 上谷在天城東 元建

元年秋鮮卑其至韃寇代郡太守李超戰死

晉建興四年十二月劉琨使箕澹救樂平琨自為後繼屯

廣牧 廣牧縣名 今天城

唐末徽元年獲突厥別部車鼻可汗詔免死處其衆鬱督

軍山置狼山都督府統之又置單于大都護府於雲中

領狼山雲中桑乾三都督府蘇農等二十四州 景福
初赫連鐸攻天成軍幽州節度使李匡威助之壁雲州
李克用自神堆引軍夜入雲州

遼兵衛志遙輦耶瀾可汗十一年大遼烈府夸离董阿保
機總兵四十萬伐代北克郡縣九俘九萬五千口

金大定二年契丹移刺窩斡敗於霖霖河六月後西走花
道僕散忠義紇石烈志寧追及於梟嶺西陷泉大敗之
詔選西京路新舊軍萬人備守禦恐其衝突也窩斡入
奚部時出兵速魯古淀古北口興化間詔西南路招討

使完顏思敬以所部兵入奚地窩幹勢窮謀自羊城道
西京奔夏國大軍追益急度不得西乃北走沙陀間九
月庚子稍合佳神獨幹執窩幹詣思敬降西北路招討
使李家奴追僞監軍那也至天成縣那也降志寧等追
餘黨至燕子城盡得其黨前至抹拔里達之地悉獲之
貞祐二年武器署丞木甲臣嘉救集寧有功

元太祖壬申圍威寧金防城千戶以城降遂畱屯天成遇
金兵前後數十戰至正十八年九月關先生掠大同

興和塞外諸郡

天成屬
興和路

明正統十四年八月癸卯六師次萬全峪甲辰次懷安乙巳次天城丙午次陽和丁未次聚落驛戊申至大同

景泰元年春三月鐵哥平章寇天城 成化十三年六

月火篩大節分道入寇東路歷天城陽和駐營蔚州城

西煖泉 成化十九年秋朶顏由西陽河枳兒嶺入順

聖川 嘉靖十二年九月北寇渡河大同總兵官李瑾

議於天城左浚濠四十里以遏敵騎而工程苛急役卒

王保等殺瑾巡撫潘倣疏言鎮臣激變請置勿問總督

劉源清請討之兵部尚書王憲議討首惡宥脇從源清

至陽和下令討賊五堡皆懼源清親率甲士三千往捕而所捕者皆捕賊之人也又大殺五堡軍民於是亂兵城守益堅朝廷以江桓爲總兵樊繼祖爲巡撫張瓚爲總制瓚至下令毋攻城守城卒登陴訴曰我等非殺主帥者畏死自保耳瓚令隨征主事楚書入諭用兵非朝廷意速獻首惡餘皆免死是夜賊中諸卒斬倡亂三十人首級獻軍門繼祖入城撫諭賑濟瓚至將士以次上謁城中大定嘉靖辛丑大同敗軍石大節王三李侃擁衆號十七萬駐牧近邊乃繇天城徑趨三關總帥丁

謹帥衆禦之全軍敗沒關門不守直抵山西省城嘉
靖十四年叅將葉宗等將萬人至荆家莊陷伏中大潰
寇遂深入天城陽和嘉靖甲寅寇連營犯瓦窰口山
西巡撫許論督諸軍奮擊之嘉靖二十九年俺荅營
野馬川尅日戰陽和總兵馬芳禦之新平度寇且遁急
乘之斬級益多衆方賀芳遠策馬趣守險而身斷後頃
之寇果虜至芳戰益力寇乃去己卯俺荅引而西前
後所掠男女羸畜金帛財物捆載去欲西奪白羊口出
塞而留餘衆京師以爲疑兵俺荅至白羊口守將阨險

禦不得出稍棄牛羊婦女等復擁衆東南行 隆慶中
俺荅大入掠山陰懷仁應州將吏並獲罪獨新平堡叅
將麻貴與兄副將錦拒戰有功受賞 萬歷二年黃台
吉改貢市於新平堡